

ZAPISNIK
SA XX REDOVNE SKUPŠTINE UDRUŽENJA POSLODAVACA FBiH
održane 25.04.2023. godine, Hotel Zenica u Zenici

Skupštinu je otvorio predsjednik Skupštine, Boris Kamšigovski i uputio uvodnu riječ dobrodošlice članovima Skupštine.

Predsjednik Skupštine je pozdravio i zahvalio na prisustvu visokim zvanicama, predstavnicima sindikata, poslodavaca, rukovodiocima javnih institucija i agencija, međunarodnih organizacija, članica Udruženja iz čitave Federacije BiH i svim dragim gostima iz Bosne i Hercegovine.

Posebno je pozdravio predsjednicu Federacije BiH gospođu Lidiju Bradaru, kao i potpredsjednika Federacije BiH gospodina Refika Lendu, premijera Vlade FBiH gospodina Fadila Novalića, ministra trgovine FBiH gospodina Zlatana Vujanovića, ministra razvoja, poduzetništva i obrta FBiH gospodina Amira Zukića, ministra rada i socijalne politike FBiH gospodina Veska Drljaču, potpredsjedavajuću Zastupničkog doma Parlamenta FBiH gospođu Edinu Gabelu i popredsjedavajućeg Doma naroda PFBiH gospodina Izena Hajdarevića, ispred Vlade Zeničko-dobojskog kantona, ministricu finansija gospođu Dženanu Čišiju, predstavnike Saveza samostalnih sindikata BiH te direktore institucija vlasti, pomoćnike ministara, savjetnike i druge predstavnike vlasti, vladinog i nevladinog sektora, agencija, organizacija, zavoda i obrazovnih institucija.

Prije nego što se prešlo na radni dio Skupštine, učesnicima su se obratili Lidija Baradara, predsjednica Federacije BiH, Refik Lendo potpredsjednik Federacije BiH, Fadil Novalić, premijer Vlade FBiH, Vesko Drljača, Ministar za rad i socijalnu politiku FBiH, Samir Kurtović, v.d. predsjednik Saveza samostalnog sindikata BiH. Svi su poželjeli uspješan rad Skupštini ističući da je Udruženje poslodavaca u FBiH vežan faktor u društvu i da bez Udruženja nema socijalnog dijaloga.

Nakon obraćanja gostiju Predsjednik Skupštine je predložio da se prije usvajanja dnevnog reda izvrši izbor verifikacione komisije.

Za članove komisije predloženi su Jasmina Kurspahić i Vedrana Živković. Zadatak komisije je da prema listi prisutnih utvrdi da li ima potreban kvorum za rad. Obirom da nije bilo novih prijedloga donesen je sljedeći:

ZAKLJUČAK: Prijedlog da Jasmina Kurspahić i Vedrana Živković budu članovi verifikacione komisije usvojen je jednoglasno. Predsjednik je zamolio predsjedavajućeg verifikacione komisije da izvrši Skupštinu koliko prisutnih delegata ima na Skupštini.

Prema izvješću verifikacione komisije predsjednik Skupštine je konstatovao da je na Skupštini prisutno 42 delegata. Obzirom da je prema članu 26. Prečišćenog teksta Statuta kvorum za rad 2/3 (najmanje 40) prisutnih članova, konstatovano je da Skupština ima kvorum za rad i da može punovažno odlučivati.

Predsjednik Skupštine je predložio sljedeći:

DNEVNI RED

1. Izbor verifikacione komisije, zapisničara i ovjerivača zapisnika;
2. Razmatranje i usvajanje zapisnika sa XIX redovne izborne Skupštine UPFBiH;
3. Razmatranje i usvajanje;
 - a) Prijedloga Izvještaja o radu UPFBiH za 2022. godinu (izvjestilac: Adnan Smailbegović, predsjednik UO);
 - b) Prijedloga Finansijskog izvještaja UPFBiH za 2022. godinu, (izvjestilac: direktor UP FBiH);
 - c) Prijedloga Izvještaja o radu ESV- a za teritoriju FBiH 2022. godinu, (izvjestilac: Adnan Smailbegović, predsjednik UO);
 - d) Prijedloga Plana rada UPFBiH za 2023. godinu, (izvjestilac Adnan Smailbegović, predsjednik UO);
 - e) Prijedloga Finansijskog plana UP FBiH za 2023. godinu, (izvjestilac: direktor UP FBiH);
4. Razmatranje i usvajanje prijedloga Odluke o razrješenju člana UO i imenovanju novog člana Upravnog odbora UPFBiH;
5. Tekuća pitanja

Predsjedavajući je upoznao delegate da su za sve tačke dnevnog reda dobili materijale i zamolio ih da se izjasne da li prihvataju predloženi dnevni red.

Obzirom da nije bilo primjedbi i novih prijedloga donesen je sljedeći:

ZAKLJUČAK: Dnevni red je jednoglasno usvojen.

RASPRAVA PO TAČKAMA DNEVNOG REDA

Tačka 1. Izbor zapisničara i ovjerivača Zapisnika

Predsjednik Skupštine je izvjestio da je predloženo da zapisničar bude Mersiha Jusić, a ovjerivači zapisnika Nijaz Skenderagić i Nihad Imširović.

Obzirom da nije bilo primjedbi donesen je sljedeći:

ZAKLJUČAK: Prijedlog da zapisničar bude Mersiha Jusić, sekretar UPFBiH, a ovjerivači zapisnika Nijaz Skenderagić i Nihad Imširović usvojen je jednoglasno.

Tačka 2. Razmatranje i usvajanje Zapisnika sa XIX izborne redovne Skupštine UP FBiH

Predsjednik Skupštine je napomenuo da su svi dobili Zapisnik u materijalima i stavio isti na glasanje.

Obzirom da nije bilo primjedbi donesen je sljedeći

ZAKLJUČAK: Zapisnik sa XIX izborne redovne Skupštine UPFBiH usvojen je jednoglasno.

Tačka 3. Razmatranje i usvajanje

- a) Prijedloga Izvještaja o radu UP FBiH za 2022. godinu (izvjestilac: Adnan Smailbegović, predsjednik UO);
- b) Prijedloga Finansijskog izvještaja UP FBiH za 2022. godinu, (izvjestilac: Mario Nenadić, direktor UP FBiH);
- c) Prijedloga Izvještaja o radu ESV- a za teritoriju FBiH za 2022. godinu, (izvjestilac: Adnan Smailbegović, predsjednik UO);
- d) Prijedloga Plana rada UP FBiH za 2023. godinu, (izvjestilac Adnan Smailbegović, predsjednik UO);
- e) Prijedloga Finansijskog plana UP FBiH za 2023. godinu, (izvjestilac: Mario Nenadić, direktor UP FBiH);

Predsjedavajući je upoznao prisutne da na osnovu člana 24. Prečišćenog Statuta Udruženja poslodavaca FBiH, Skupština usvaja izvještaje koje je, na osnovu člana 31. pripremio Upravni odbor.

Također upoznao je prisutne sa svim podtačkama dnevnog reda. Istakao je da su na dnevnom redu izvještaji i programi za 2022 i 2023. godinu. Obaveza Udruženja je usvajanje ovih izvještaja i planova.

Predsjednik je predložio da se podtačke a) do e) razmatraju zajedno, a nakon toga da se pojedinačno izjašnjava po svakoj od njih.

Predložio je također da se za tačke od a) do e) prezentiraju izvještaji pa program rada i finansijski plan, onako kako slijede po dnevnom redu.

Predsjedavajući Skupštine je pozvao predsjednika Upravnog odbora, gospodina Adnana Smailbegovića, da izvjesti prisutne o podtačkama a), c) i d).

Nakon što je predsjednik Upravnog odbora prezentirao Izvještaje predsjedavajući Skupštine je pozvao Maria Nenadića, direktora UPFBiH da izvjesti prisutne o podtački b) odnosno o Finansijskom izvještaju za 2022.godinu, a potom o Finansijskom planu UPFBiH za 2023. godinu.

U svom izvještavanju predsjednik UO UPFBiH Adnan Smailbegović je istakao da je Udruženje svoju cjelokupnu aktivnost u protekloj godini kao i u prethodnim godinama zasnivalo na nastojanjima za ostvarenje sljedećih ciljeva:

- Stvaranje adekvatnog poslovnog ambijenta koji će omogućiti stabilno poslovanje naših članica, razvoj i punu zaposlenost;
- Poboljšanje postojeće zakonodavne regulative te novih zakonodavnih inicijativa;
- Smanjenje fiskalnih i parafiskalnih nameta poslodavcima;
- Suzbijanje sive ekonomije;
- Aktivno učešće u tripartitnom ekonomskom-socijalnom dijalogu;
- Jačanje materijalnih, kadrovskih i organizacionih kapaciteta Udruženja.

Nabrojao je i neke od najznačajnijih aktivnosti Udruženja u proteklim godinama.

Što se tiče Izvještaja ESV- a za teritoriju FBiH za protekle godine predsjednik UO UPFBiH Adnan Smailbegović napomenuo je da rad ESV-a nije bio na zavidnom nivou te da su održane samo tri sjednice. Istakao je najznačajnije aktivnosti na ESV-u a to je:

- Usaglašeni i jednoglasno podržani prijedlozi Udruženja poslodavaca FBiH Zakona o izmjenama i dopunama Zakona o doprinosima i Zakona o dopuni Zakona o porezu na dohodak.
- Ekonomsko-socijalno vijeće je podržalo Prijedlog odluka o proširenju primjene granskih kolektivnih ugovora na sve poslodavce na teritoriji Federacije Bosne i Hercegovine, u oblasti cestovnog prometa, za djelatnost trgovine, za djelatnost građevinarstva, te za djelatnost drvne i papirne industrije. Također, prihvata se inicijativa Sindikata metalaca Federacije BiH za proširenje primjene kolektivnog ugovora za djelatnost proizvodnje i prerade metala na sve poslodavce na teritoriji Federacije Bosne i Hercegovine.
- Usaglašen Zakon o najnižim primanjima.
-

Zatim se osvrnuo na prijedlog Programa rada UPFBiH ističući da će Udruženja poslodavaca u 2023. godini svoje aktivnosti usmjeriti na:

- **Liberalizacija uvoza radne snage;**
- **Smanjenje opterećenja cijene rada u cilju povećanja plata;**
- **Ukidanje i smanjenje parafiskalnih nameta;**
- **Poboljšanje poslovnog ambijenta**

Osvrnuo se i na najznačajnije aktivnosti UPFBiH u narednom periodu:

AKTIVNOSTI NA BIH NIVOU

1. Izmjene Zakona o porezu na dodatnu vrijednost
2. Izmjene zakona o javnim nabavkama
3. Izmjene zakona o strancima BiH
4. Izmjena odluke o uvjetima i postupku ostvarivanja prava na oslobođanje od plaćanja uvoznih i izvoznih dažbina
5. Donošenje odluke kojom će se regulisati korištenje šume od strane domaćih privrednika

AKTIVNOSTI NA NIVOU FBIH

1. **Hitno usvajanje pet zakona prijedloga UPFBiH po skraćenom postupku koji su upućeni u zakonodavnu proceduru:**
 - a) Zakon o izmjenama i dopunama Zakona o zdravstvenom osiguranju,
 - b) Zakon o izmjenama i dopunama zakona o Poreznoj upravi,
 - c) Zakon o izmjenama i dopunama zakona o fiskalnim sistemima,
 - d) Zakon o izmjenama i dopunama Zakona o privatizaciji,
 - e) Zakon o izmjenama i dopunama zakona o profesionalnoj rehabilitaciji, osposobljavanju i zapošljavanju osoba sa invaliditetom
2. **Usvajanje zakona koje je pripremila UPFBiH, a prioritetne aktivnosti će se usmjeriti na izmjene ili donošenje novih sljedećih zakona:**
 - a) Zakon o doprinosima
 - b) Zakon o porezu na dohodak
 - c) Zakon o izmjenama i dopunama zakona o porezu na dobit

Direktor Mario Nenadić je izvjetio članove Skupštine da je prijedlog finansijskog izvještaja javan i transparentan i da se nalazi na web stranici UPFBiH.

Osvrnula se na prihode i rashode Udruženja u 2022. godini.

Što se tiče finansijskog plana za 2023. godinu direktor Mario Nenadić je istakao kako je napravljen ambiciozan plan, koji je već početkom godine počeo da se realizira.

Naglasio je da je planirano da se aktivnije radi na naplati članarine kako bi se obezbijedilo dovoljno sredstava za kvalitetan rad Udruženja poslodavaca u FBiH.

Nakon izloženog, Predsjednik Skupštine je otvorio diskusiju. U okviru diskusije nije bilo prijedloga niti primjedbi na materijale za tačke dnevnog reda.

Nakon diskusije predsjedavajući Skupštine je stavio Prijedloge materijala na glasanje i nakon glasanja konstatovao sljedeće:

ZAKLJUČKE:

A.D. 3.a. Izvještaji o radu UPFBiH za 2022. godinu je jednoglasno usvojen u predloženom obliku.

A.D. 3.b. Izvještaj o radu ESV- a za teritoriju FBiH 2022. godinu je jednoglasno usvojen u predloženom obliku.

A.D. 3.c. Finansijski izvještaj UPFBiH za 2022. godinu je jednoglasno usvojen u predloženom obliku.

A.D. 3.d. Program rada UPFBiH za 2023. godinu je jednoglasno usvojen u predloženom obliku.

A.D. 3.e. Finansijski plan za za 2023. godinu je jednoglasno usvojen u predloženom obliku.

Tačka 4. Razmatranje i usvajanje prijedloga Odluke o razrješenju člana UO i imenovanju novog člana Upravnog odbora UPFBiH;

Predsjednik je zamolio direktora UPFBiH Maria Nenadića da izvijesti prisutne po ovoj tački dnevnog reda. Direktor Mario Nenadić je upoznao prisutne sa ovom tačkom dnevnog reda ističući da je dosadašnju funkciju člana UO UPFBiH u skladu sa članom 29. stav 3. Prečišćenog teksta Statuta obavljao Predrag Čović, direktor Vodokoka d.o.o. iz Tomislavgrada. Predrag Čović je u međuvremenu imenovan na funkciju Predsjednika Vlade ZHK, te ne obnaša više funkciju direktora Vodokoka d.o.o. te shodno tome ne ispunjava uslove predviđene članom 29. stav 3.

Shodno navedenom, potrebno je da se izvrši razrješenje Predraga Čovića i imenovanje novog člana Upravnog odbora UPFBiH, čime će se obezbijediti kontinuitet rada UO.

Za novog člana UO predlaže se Tomislav Vrdoljak, direktor kompanije Livnopotovi d.o.o. iz Livna, obzirom da je za člana UO shodno Statutu i Kriterijima za izbor u organe i tijela UPFBiH, potrebno imenovati jednog predstavnika iz Kantona 10 kojeg je predstavljao i dosadašnji član UO Predrag Čović.

Nakon izlaganja direktora predsjednik Skupštine je zamolio prisutne da se izjasne o prijedlogu, ili da predlože novog kandidata.

Obzirom da nije bilo novih prijedloga predsjednik je stavio na glasanje Odluku o razrješenju člana UO i imenovanju novog člana Upravnog odbora UPFBiH;

Nakon glasanja Predsjednik je konstatovao sljedeće:

ZAKLJUČKE:

A.D. 4.1. Odluku o razrješenju člana UO i imenovanju novog člana Upravnog odbora UPFBiH je jednoglasno usvojena u predloženom obliku Predrag Čović se razrješava dužnosti člana UO, a za novog člana imenuje se Tomislav Vrdoljak.

9. Tekuća pitanja.

Po ovoj tački dnevnog reda nije bilo diskusije.

Sjednica je završena u 13:30h.

Zapisnik sačinila

Mersiha Jusić

Ovjerivači Zapisnika

Nijaz Skenderagić

Nihad Imširović

Predsjedavajući Skupštine

Boris Kamšigovski